

INTABAZA

GACANZIGO

Ikiyamakuru cy'abaharanira impinduka mu Rwanda No 3 Kanama 2014

Igereranya ry'ivangurwa rikorerwa Abanyarwanda b'Abahutu na Apartheid yakorewe Abirabura muri Afurika yepfo (inkuru irambuye urup.5).



Speciose Mujawezu
Umunyamabanga Mukuru
w'ISANGANO
ry'Abenegihugu



Abanyarwanda bakeneye KUGOBOTORWA BYIHUSE ingoma mbi ya FPR-inkotanyi igiye kubamarira kw'icumu : Abahutu (n'Abatutsi bake) baravangurwa baricwa, barashimutwa, bararenganywa, abana barimwa buruse, abarimu barahembwa ikinya, abahinzi baramburwa amasambu, n'ibindi mu gihe abandi banyarwanda bacye cyane bo mu bwoko bumwe bw'Abatutsi cyane cyane abaturutse Uganda bishimisha mu migi basesagura umutungo w'igihugu cyacu. IBI BIKWIYE GUHAGARARA.

IBINDI BIRI MURI IKI KINYAMAKURU: Ijambo ry'ibanze urup.2, ikibazo cy'imvange mu moko y'u Rwanda urup.3-4, inama US-Africa urup.6, liste y'abihayimana Gatorika bakindaguwe na FPR urup.7-8, Charte de liberté y'Ishyamba ISANGANO urup. 9

IJAMBO RY'IBANZE: amaraso y'Umuhutu, ay'Umututsi, ay'Umukongomani cyangwa undi wese ni amaraso kimwe. Ibyo Kagame akwiye kubimenya niba atabizi

Banyarwanda, Banyarwandakazi,

Imyaka ibaye 24 Guhera mu mwaka w'I 1990 FPR-Inkotanyi ishoje intabara yatumye mu Rwanda no mu Karere kose hacura icuraburindi, agahiri n'agahinda bidashira. Imyaka ibaye 20 kandi Abanyarwanda benshi ndetse n'abanyamahanga bategereje umucunguzi uzabakiza ingoma-mpotozi none amaso yaheze mu kirere. Muri iki gihe cyose FPR ya Paul Kagame bamaze ku ngoma ntibigeze bahuga na gato ngo bumve ko batsinze urugamba maze bahe ituze n'amahoro, abantu biyunge. Ahubwo abambari FPR bakomeje umugambi wabo wo gukomeza kurimbura Abahutu n'abasa nabo cyangwa ababafitiye impuhwe bese.

Muzi mwese ko Abahutu bamaze kwica mu Rwanda no muri Kongo barenga 2 000 000, Abakongomani barenga 6 000 000, Abatutsi bishwe cg bicishijwe na FPR nabo bakabakaba mu 350 000, Abarundi Abagande n'abandi banyamahanga nabo ntibagira ingano. Izo ngogo zose zagaritswe kubwa FPR irumva ko zidahagije.

Kuvuga ubutabera cg kwibuka abahutu bishwe byo ni ukwigiza nkana mu Rwanda rwa Kagame na FPR. Burya koko ngo impyisi ikurira umwana cyangwa inyana ikakurusha uburakari. Nguko uko FPR yashyiriyeho Abahutu Inkiko Gacaca zo kubahumbahumba ku misozi no kubabeshyera ibyaha batakoze. Gacaca yahamije byaha bitandukanye Abahutu bagera neza neza kuri 2 000 000. Ni akumiro rwose!

FPR ntiyashizwe kuko mu nzego zose z'igihugu FPR yashyizemo gahunda zitabarika zigamije kugira ibikange Abahutu, kubica mu bwoko no ku mubiri uruhongohongo amahanga atarabutswe. Ntawarondora za gahunda z'agahomamunwa zashyizweho na FPR nko kwirega no kwemera icyaha, ingando, ubudehe, Intore, ingengabitekerezo ya jenocide, Ndi Umunyarwanda n'izindi gahunda mbi cyane Leta ya Kagame/FPR bazanye mu gutesha umutwe Abanyarwanda bo mu bwoko bw'Abahutu.

FPR ntiyarekeye aho ariko inyuzamo ikanafata itsinda ry'sbshutu rinini cyangwa rito ikabica. Nyuma yo kubivugana FPR ihimbahimba ibinyoma n'ikinamico nkuko isanzwe ibigenza ikavuga ko abantu bazimiye cg bagiye muri FDLR ariko nk'uko mubyumva niyo iba imaze kubirenga.

Abarenga 30 000 baherutse kwicwa FPR ibeshya ko baburiwe irengero



Muri numero ya kabiri y'Intabaza Gacanzigo (Nyakanga 2014) twabagejejeho inkuru y'inkongi nyinshi z'umuriro mu Rwanda twari twababwiye abo twabashije kumenya ko bapfuye rugikubita. Nyuma yaho twaronse amakuru atumenyeshya ko imfungwa zapfuye ari nyinshi zibarirwa mu bihumbi. Imirambo yatanzwe n'amakamyi bahambwa mu byobo rusange. Nyuma FPR yakubise ikinyoma ko bagiye gushyingura imibiri y'Abatutsi bishwe muri jenocide. Ibi tubabwirira birahamywa n'inkuru ivugwa ko abagororwa bakora ubucakara bwa FPR bwiswe T.I.G. n'abandi bagororwa barenga 30 000 baburiwe irengero. Nta kabuza abo bantu birengejwe na FPR-Inkotanyi nyuma yo kubatwikira mu magereza yabafungiyemo.



Jean-Marie V. MINANI
Umuyobozi Mukuru
w'ISANGANO ry'Abenegihugu

**'Abanyarwanda mushire
ubwoba dutabare mu maguru
mashya amazi atararenga
inkombe'**

Mu nzego nk'uburezi: Abana benshi b'abahutu bimba ubufasha mu gihe ku rundi ruhandi abana ba FARG bo bahabwa akayabo k'amafaranga menshi yo kwinezeza. Mu buvuzi hari gahunda nyinshi mbi nyinshi nko gukora abagabo kubasiramura ku ngufu nibindi ubona ko zashyiriyeho kwica uruhongohongo abo FPR idashaka. Muherutse kumva inkuru y'umugabo mu Ruhengeri wasiramuwe nabi ku bushake bw'abaganga bagaharura igitsina cye cyose. Uwo mwenegihugu yatakambiyeye Ministre wa FPR aho kumva ikibazo cye amwuka inabi. Mu buhinzi n'ubucuruzi naho ntawarondora bya gahunda bibi FPR yashyizeho bigamije kukenesha rubanda rugufi babambura amasambu yabo, bababuza gucuruza, bacibwa imisoro y'ikirenga bagahomba n'ibindi bibi byinshi.

Umwanzuro

1) Nta maraso aruta andi Kagame na Leta ye nibamenye ko amaraso y'abanyarwanda n'abanyamahanga bari kumena azabasama. Nibamenye kandi ko Umuhutu ava amaraso nk'uko n'umututsi cyangwa undi uwariwe wese ayava.

2) Leta ya FPR ko ibeshya ko umutekano ari 100% kuki idasobanura aho abantu ibihumbi mirongo itatu yabashyize. Abantu 30 000 ni benshi cyane ku buryo kuburirwa irengero mu gisambu bidashoboka.

3) Leta ya FPR nirekeraho gukinisha no gukina ku mubyimba abanyarwanda. Ikinyoma cyayo cyaratahuwe kera. Niba FPR iterekanye aho abantu bari nta gushidikanya iraba ariyo yabishe kandi si ubwa mbere yaba ikindaguye abanyarwanda.

4) Ubutumwa ku Banyarwanda batandukanye

Ba nyapolitiki, banyabwenge, basirikare, banyarwanda mwese muri rusange ibi birabareba Igihe cyo gushyira hamwe ingufu twese hamwe tukigobotora ingoma mbi ya FPR-Inkotanyi ni iki ndetse kiri kurenga.

Gira icyo ukora!

Mwese mugire urukundo n'amahoro.

Jean-Marie V. MINANI

IKIBAZO CY'IMVANGE MU MOKO Y'U RWANDA.

Inkuru ya HAVUGAYO MVUGAKARIHO.



Gushyingirana hagati y'ubwoko butatu bugize u Rwanda ari bwo Abatwa, Abahutu n'Abatutsi si ibya none. Nyamara iyo urebye imibanire y'ubwo bwoko mu mateka y'igihugu cyacu usanga uko gushakana hagati y'amoko byaratagiye biganisha ku bintu umuntu yakwibazaho. Ese mu by'ukuri mu Rwanda mu gihe cyahise abantu babanaga ari uko bashakanye cyangwa se hari izindi nyungu zabaga ziri inyuma y'uko gushyingirana ? Mu minsi ya vuba aha se bwo byifashe bite ? Ese ibyo gushyingirana hagati y'amoko anyuranye byaba byaratagiye ryari mu Rwanda ? Abantu babana badahuje ubwoko barebana bate ? Bumvikana bate ? Abana babakomotseho baba aba nde muri ubwo bwoko ? Ese ababana badahuje ubwoko hari icyo bibatwaye ? Abababona se bo babivugaho iki ? Babitekerezaho iki ? Ibyo ni bimwe mu bibazo ngirango mbabwire icyo mbitekerezaho muri iyi nyandiko.

Mbere yo kugira icyo mbivugaho ariko, nagira ngo mbanze nsobanure uburyo numva amagambo ndi bukoresha kugira ngo twese tubyumwe kimwe. Iyo mvuze « **kubana** » mba nshaka gusobanura ko abantu babiri « baba hamwe », mbega « bubatse urugo », iyo mvuze « **gushyingira** » mba nshatse kuvuga ko umuryango runaka wahaye umugeni undi muryango runaka n'uwo wundi ugatanga umuhungu abo bana bakarwubaka, naho iyo mvuze « **gushakana** » mba ngamije gusobanura igikorwa cyo kwihitiramo uwo muzabana mukabyemeranwaho mukabana biturutse ku bushake bwanyu mwembi. Ibi mbitewe n'uko mu kanya muri bwibonere ko hari abashobora « kubana » « batarashakanye » cyangwa « batarashyingiranwe » ibyo ariko si byo ngamije kuvugaho ubu.

Mu by'ukuri kubana hagati y'abantu badahuje ubwoko, badahuje iguhugu, badahuje ibara ry'uruho biriho kandi si ibya none. Duherereye cyera tukajya na kure y'u Rwanda, abazi amateka y'Abaromani muzi ko bivugwa ko mu ntangiriro ya Roma abahungu bo muri uwo muji barangajwe imbere na Romulus (bavuga ko ari we washinze Roma), biraye mu bakobwa bo mu gihugu bari baturanye bitaga « Abasabini » « les Sabines » barabafata barabarongora. Ibyo byatumye i Roma haboneka urubyarwo, iraturwa, iratunga, igatunganyirwa.

Abasoma Bibiriya ndetse na Korowani bazi inkuru y'Umwami Salomoni wa Isiraheri n'Umwamikazi wa Saba (ari yo Etiyopiya y'ubu) bavuga ko bahuye bakabengukanwa bakagirana imishyikirano n'imibonano yaje kugera aho babyaranye. Ndetse ubu muzi ko hari abayahudi bitwa « Abafalasha » bavugwa ko bakomoka kuri urwo rukundo rwa Salomoni n'Umwamikazi wa Saba, Isiraheri ikaba yaraje kubashaka ikabasubiza mu gihugu cya bo « cy'ivuko », cyangwa cy'« abasekuruza » ba bo.

Ku byerekeye imibanire y'abadahuje ibara ry'uruho byo simbitindaho kuko buri muntu azi nibura umuntu w'umuzungu ubana n'umwirabura ; gusa nagirango aha ntange urugero rw'umugabo witwa Henri LOPES wo muri Congo Brazzaville uvuka ku mugabo w'umuzungu n'umugore w'umwiraburakazi akaba yaravutse muri 1937. Izi ngero nazihisemo mbishaka kuko ndi bubereke ko iyo mibanire y'abo bantu batandukanye yaje gutanga ikintu cyiza cyari gikwiye kutubera urugero.

Tuje no mu Rwanda rero dusanga imibanire y'abantu badahuje ubwoko atari iya none. Ingero ni nyinshi. Ku bazi imvugo igira iti « amukuye aho umwami yakuye Busyeti » bazi ko inyuma y'iyi mvugo hari imibanire y'umutwa witwaga Busyeti n'umututsikazi (ndetse ngo wari umukobwa w'umwami).

Ku birebana no gushakana hagati y'Abahutu n'Abatutsi sinirirwa ndondora ingero nyinshi z'Abahutu bashakanye n'Abatutsikazi cyangwa Abatutsi babana n'Abahutukazi kuko buri munyarwanda azi nibura umuryango umwe mu nshuti ze za hafi cyangwa mu bamenyi ugizwe n'abantu babana bava muri bumwe muri ubwo bwoko. Gusa ariko nagirango ntange ingero nkeya. Zimwe muri izo ngero nazihisemo kubera ko abantu bazivugwamo atari ba rubanda rusanze rwa giseseka. Rumwe muri zo ni urwa Mashira, umwami wa Nduka na Mibambwe, umwami w'u Rwanda bari barahanye abageni ari bo Bwiza na Nyirantorwa. Nigiye imbere mu mateka, urundi rugero natanga ndarukeshya ababizi (aha ndashaka kuvuga cyane cyane abiru b'i Bwami) bemeza ko **Nyiramavugo** Umugabekazi w'u Rwanda yari afite nyina w'umuhutukazi. Nyiramavugo uyu mvuga ni we **Kankazi** nyina w'umwami Rudahigwa akaba yari umukobwa wa Mbanzabigwi ya Rwakagara rwa Gaga rya Mutezintare wa Sesonga ya Makara ya Kiramira cya Mucuzi wa Nyantabana ya Burigande bwa Ngoga ya Gihinira cya Ndira ya **GAHUTU** ka Serwega rwa **MUTUTSI** akaba umukobwa w'Abega. Murabona ko no muri iki gisekuru harimo amoko yombi.

Twongeye kwigira imbere mu mateka yacu ya vuba, tukareba uburyo imishakanire y'abanyarwanda yari iteye dusanga abahutu n'abatutsi baragiye bahana abageni kenshi. Tutiriwe tujya kure tugahera nko ku bayobozi b'abahutu ba Repuburika ya mbere turasanga abenshi muri bo bari batunze abagore b'abatutsikazi. Kuba rero abo Bahutu bizwi ko baharaniye kvanaho ingoma ya cyami n'ubutegetsi bwa yo bushigiyeye ku ngengabitekerezo y'uko Abatutsi bagomba gutegeka no gutsikamira Abahutu ari bo bafashe iya mbere bagashaka abagore b'Abatutsikazi ni ibyo gutekerezaho cyane tukareba icyo twabikuramo kitwubaka. Mu kanya ndabigarukaho.

Nkivuga ariko ku mibanire y'abantu baba batsikamira abandi n'ababa batsikamiye nagirango ngaruke kuri rwa rugero twa Henri Lopes. Uyu mugabo yavutse ku itariki ya 12 nzeri 1937 avukira i Kinshasa (icyo gihe yitwaga Léopoldville). Se yari umuzungu w'umubiligi wakoranaga n'ubutegetsi bw'ubukoloni, nyina akaba umwiraburakazi wo muri Congo Brazzaville. Mu buzima bwe, uwo mugabo agaragaza ingorane yagiye ahura nazo biturutse ku ibara ry'uruho rwe. Agira ati : « nkiri muri Afurika niga mu mashuri abanza numvaga ndi nk'umuzungu udafite umwanya n'agaciro nk'ak'abandi bazungu buzuye ;

ariko ngeze mu Bufaransa ngiye kwiga amashuri yisumbuye na Kaminuza nasanze ndi umwirabura kuko mu maso y'abazungu sinari nakwiye kuvuga ko hari aho mpuriye n'abazungu » Uwo mugabo akomeza agira ati : « uko guhera hagati y'amabara yombi nkabura aho mbarizwa byarambazaga ariko byanteye kwibaza ku buzima bwanjye, nibaza uwo ndi we n'icyo ndicyo mu by'ukuri, bituma mfata icyemezo cyo kwishimira no kugira ishema ry'uwo ndi we ».

Iyo rero urebye imibereho y'uwo mugabo, usanga uko kutagira aho abarizwa mu mabara y'ababyeyi be bitaramuheranye ngo agire ipfunwe cyangwa isoni ry'uwo ari we ; ahubwo byamubereye imbaratso yo kwiga abishyizeho umwete, ariga araminuza yigisha muri za kaminuza zo mu Bufaransa nka La Sorbonne, agira uruhare rugaragara mu guharanira ko umunyafurika yabohorwa ingoyi ya gikoroni, akaba ari mu baharanye ubwigenge bw'igihugu cye n'Afurika muri rusange. Mu gihugu cye, Henri LOPES yayoboye za Ministeri nyinshi kandi zinyuranye ndetse yanabaye Minisitiri w'intebe wa Congo Brazzaville. Yabayeho umuyobozi wungirije wa UNESCO ushinze umuco n'ububanyi n'amahanga kuva muri 1982 kugera muri 1998 amakuru ye ya nyuma mperuka yari ahagarariye igihugu cye mu Bufaransa.

Uretse n'iyi myanya ya politiki ku rwego rw'igihugu cye ndetse no ku rwego rw'isi uyu mugabo ni umwanditsi ukomeye kandi uzwi ku rwego rw'igihugu cye, urwa Afurika ndetse n'urw'isi. N'ikimenyimenyi yagiye yegukana ibihembo bihanitse mu bijyanye n'ubuhanzi bushingiye ku bwanditsi.

Icyatumye ntanga urugero rw'uyu mugabo ni uko yavutse mu gihe cya gikoroniye. Icyo gihe abazungu bumvaga ko ari bo bazi ubwenge, bafite ubushobozi n'ubumenyi akaba ari na bo bagombaga gutegeka abirabura. Uwo mugabo rero nje anyereka ishusho y'ubwuzuzanye bw'ibintu cyangwa bw'abantu baza n'abadafite icyo bahuriyeho. Biragaragara ko nk'uko abyivugira, mu ntangiriro y'ubuzima bwe yabanje kubura aho ahagaze yibaza ibibazo byinshi kuri we ubwe, atazi uwo ariwe. Nyamara uko kutiyumvamo ubwirabura bwuzuye cyangwa ubuzungu bwuzuye ntibyamuharanye ngo abure umwanya mu buzima bwe ku giti cye no mu buzima bw'igihugu cye ndetse n'ubw'isi yose muri rusange. Ahubwo yafashe uko kuntu ateye, atasabye kandi atanihaye aguhindura isoko yavomyemo imbaraga zatumye agera kuri byinshi harimo ibyo bike cyane nababwiye hejuru aha kuko rwose bitanyoroheye kurondora ibyo yakozwe ngo mbirangize muri iyi mirongo mike mfitse.

Tugarutse rero ku birebana abanyarwanda, nk'uko nabivuze kandi bikaba bizwi, ubwoko bwacu uko ari butatu buhana abageni kuva cyera. Hejuru natanze ingero za bamwe mu bazwi mu mateka y'u Rwanda. Ariko uko guhana abageni iyo ubirebye usanga akenshi hari uburyo umuntu yabibona. Reka dufate nk'abategetsi ba Repuburika ya mbere nka Kayibanda, Makuza n'abandi...

Soma Ibukurikira ku rup 4....

Ibikurikira urup 3

Aha ndibanda gusa kuri **Perezida Grégoire Kayibanda** kuko mbona nta mwanya uruta uwonguwo mu kuba uhagarariye rubanda. Uyu mugabo ntawe uyobewe uruhare yagize **mu kuba kw'isonga mu gushinga Repubulika y'u Rwanda** afatanyije n'abandi barwanashyaka mu kuvanaho ingoma ya cyami iyobowe n'Abatutsi yari imaze imyaka amagana n'amagana iryamira Abahutu. Kuba yari afite umugore w'umututsikazi n'nyene mfite uko mbibona

Ariko mbere yo kubabwira uburyo mbona uko kubana kwa **Grégoire Kayibanda** na **Vérodiane Mukagatare** n'isomo nkuramo, reka tubanze turebere hamwe uburyo ugushakana hagati y'abanyarwanda muri rusange, hamwe no gushyingirana no gushakana hagati y'Abatutsi n'Abahutu ku buryo bw'umwihariko bigenda, noneho mbabwire uko nyje ku giti cyanjye mbona bigenda. Uwaba afite ukundi abibona na we yazabitegeze.

Mu by'ukuri iyo ndebye iyo mibanire mvuze haruguru, nsanga nayigabanyamo ibice nka bitatu :

1) Igice cya mbere ni icy'abantu babana cyangwa babanaga hadashyigwe mbere na mbere ku bushake bwabo. Aha tuzi ko mu muco wacu wa cyera iyo umuntu yabaga afite umusore ugeze mu kigero cyo kurushinga yashakishaga umuryango ufite umukobwa ukwiye kubaka urugo akamumusabira bakamumuha akamurongora. Tuzi kandi ko iyo byabaga ngombwa habagaho ibyo bitaga « kurangisha » no « kuranga » aha mwibuke ya mvugo yagiraga iti : « nta bukwe butagira umuranga » cyangwa ngo « umukobwa wabuze umuranga yaheze mwa nyina ». Muri make uwo mubeyi yumvikanaga na se w'uwo mukobwa akamusaba umugeni, agakwa, nyuma bakazamuhakera umugeni, akaza akabana n'umugabo, akubaka, akabyara, urugo rugatungira rugatungirirwa n'ubwo yabaga ahuye n'uwo musore bwa mbere ari uko bagiye « kumara amavuta ». Muri iyo mishakanire biragaragara ko nta ruhare rugaragara ababana babaga babigizemo ndetse muzi ko hari n'umugani najyaga numva mu gitaramo uvuga ibya « Nyamutegerakazazejo » wakoye inda agakwerera indi. Nizere ko muri iyi minsi ubu buryo bwo kurwubaka butakiri mu Rwanda.

2) Igice cya kabiri kigizwe n'ababana babishingiye ku nyungu no ku mibare. Aha natanga nk'urugero rw'umuntu wabaga atarize amashuri menshi ariko wenda akaba afite amafaranga warebaga nk'umukobwa urangije amashuri ufite impamyabumenyi n'akazi akabara agasanga abanye n'uwo mukobwa umutungo we wakwiyongera kuko bombi babaga binjiza amafaranga ; uwo mukobwa na we akabara ati « ndasiga ibi nsanga ibihe » akisangira uwo munyamafaranga kuko aba cyangwa yabaga yizewe ko azabaho nta cyo abuze.

Aha natanze urugero rw'amafaranga ariko hari n'ibindi bijya cyangwa byajyaga bigenderwaho mu gushyingirana, nk'ubushobozi n'ububasha bishingiye ku myanya ya poritiki, kuba uvuka mu muryango runaka ukomeye ugashaka ko uwo muryango ushyingirana n'undi ukomeye, hakurikijwe bya bindi bavuga mu Kinyarwanda ngo « habana abakize » kandi ngo « amaboko atareshya ntaramukanya » ; n'ibindi... Yewe nkiri kuri ibyo by'ibikomerezwa, hari n'ubwo nk'umugabo ukomeye yakinishaga umwari akaba amuteye inda, noneho mu gushaka kubihishira agashaka umusore mu bo ateguka cyangwa afiteho ububasha, akamuha uwo mukobwa akamurongora, akazitwa ko ari we se w'uwo mwana, noneho mu kumwitura akamwemerera kuzamufasha muri byinshi bumvikanagaho. Uko biri kose, izi ngo ntiziba zishingiye mbere na mbere ku rukundo n'ubushake bw'ababa babana n'ubwo mu ngo nzi zubatswe muri ubwo buryo ababana bagera aho bagasa n'abakundana. Ibyo ari byose iyo bamaze kumenyana no kumenyerana akenshi babana neza mu bwuhabane n'ubwuzuzanye n'iyi basenye basenya nk'abandi, kandi nta mibare nigeze nkora ngo menye niba babana neza cyangwa nabi kurusha ababanye biturutse ku bushake bushingiyeye ku rukundo gusa.

1) Igice cya gatatu ari nacyo nizera kandi nifuzaga ko cyaba kigizwe n'abenshi mu babana, ni icy'abarushinga biturutse ku rukundo baba bifatanyije. Aba ntibagira ikibitambika imbere ngo kibangamire imibanire ya bo cyaba ikibazo cy'ubwoko, cyaba icy'umuryango umwe akomokamo cyangwa icy'umutungo w'uwo bashakanye cyangwa umuryango baba bafite cyangwa badafite. Iyo bakundana bakiyemeza kubana, barabana kandi bakabana neza. Emwe n'iyi bahuye n'ibibazo birenze ubwenge babyikuramo neza buri gihe, kandi n'iyi baba batagishobokanye bagatandukana babikora nta n'umwe wicuza ngo abe yagira ati : « n'ubundi twabanye ntibishaka » ; muri make usanga babanye mu munezero uranga urugo rushingiyeye ku rukundo rw'ukuri.

No mu mibanire y'abahutu n'abatutsi, usanga ibyo byiciro uko ari bitatu bibonekamo. Reka ntange ingero : Tugarutse nko kuri ya mishingiraniye ya Mibambwe na Mashira nababwiye haruguru dusanga Mibambwe ajya gushyingira Mashira umukobwa we Nyampundu abandi bita Nyirantorwa yari agamije « gucengera » ubwami bwa Mashira kugirango azabone uko abwigarurira amaze kumwica ; kandi ni ko byaje kugenda. Koko rero nk'uko amateka abitubwira

Mashira yari afite ingabo zikomeye zari zarananiye Mibambwe I Sekarongoro n'ingabo ze. Mashira rero amaze kunanirana, Mibambwe yazibukiriye iby'imirwano aba abishyize iruhande, maze ingoma y'Ababanda irasugira. Ni bwo rero Mibambwe yigiriye imigambi yo kugirana imimaro (amasezerano yo kutarwana) na Mashira; biremezwa Mashira aba umwami wa Nduga. Nyuma yaho imishyikirano yarakomeye, ndetse haziraho no gushyingirana nk'uko nabivuze haruguru, babana nk'incuti kugera n'aho Mibambwe yaje guhungira kwa Mashira nyuma yo gutsindwa mu gitero cya kabiri cy'Abanyoro ni uko Umwami Mashira aramwakira aramuhisha akira atyo Abanyoro. Ibyo ariko ntibyabujije Mibambwe gukomeza umugambi we mubisha kuko yaje gushyirwa yivuganye Mashira.

Nyamara Mashira we mu gushyingira kwa Mibambwe, yari yizewe ko arimo gukomeza imibanire myiza n'uwo mwami n'ingoma ye, kugira ngo ibihugu bya bo bibane neza kurushaho muri uko kuvanga amaraso ; we yumvaga ko ari nk'igihango agiranye na bo. Uko kwirara hamwe n'icyizere cyaje kuraza amasinde bya Mashira ku ruhande rumwe, uburyarya n'indimi ebyiri bya Mibambwe kurundi ruhande nibyo nyirabayazana ry'icyicwa ry'umwami Mashira. Nyamara mu by'ukuri Mashira ntiyari abuze ingabo zikomeye kandi nyinshi, ariko we yahugiye mu byo kubana neza no gushyingirana, mu gihe Mibambwe we yari agamije kururimbura hakurikijwe politiki ye mbi, iyi idatinye kwica amasezerano, umubano no gutsemba isano. Aha niho nsanga kuriya kubana kw'abantu batabifitemo uruhare byari bikwiye kurangirana na bariya babikoze ; twe tukareba kure, tugamije imibanire myiza hagati y'amoko yacu dore ko noneho turi mu gihugu kimwe.

Ku birebana na kiriya gice cya kabiri cy'ababana hagamijwe inyungu cyo singitindaho kuko numva kitatuzamura na gato cyane cyane ko ntashaka guteza intugunda mu mitwe y'abasoma ibi. Ariko nagirango ntange agatekerezo gato gusa ku birebana n'abahutu bagiye babana n'abo badahujwe ubwoko mu Rwanda. Aha Ndatekereza abantu bubatse ingo muri za 1960 u Rwanda rukibona ubwigenge kugera muri za 1970. Muri icyo gihe abahutu bari bamaze kwiga ari benshi kandi bagiye barushaho kwiyongera bitewe n'ihinduka ry'ubutegetsi ryari ririmo kuba ryabemereraga na bo kwiga amashuri yisumbuye ndetse na za kaminuza. Ni uko bamwe baje kuba abarimu, abandi bakaba abakarani (secrétaires), abandi bagakora mu nzego zinyuranye z'igihugu ari abafongisyoneri (fonctionnaires) abandi ari abasisista banyuranye.

Aha mu rwego rw'urwenya mwibuke ya ndirimbo yitwa **Adela Mukasine** ya Orukesitere (orchestre) Umubano ivuga uburyo Mukasine uwo yaje gusendwa kubera ubujiji bwe ndetse n'amashuri make yari afite ataranatumye amenya ko ari we barimo kuvuga igihe agira ati: “abasisita bateranye, urufaransa badidibuzaga, naho ntazi ko ari nyje bavugaga, burya kutiga biragatsindwa” abazi Adela uwo n'umugabo we bambwiye ko baba bakomoka mu bwoko bw'ubuhutu n'ubututsi.

Abo Bahutu rero bakimara kurangiza amashuri batangiye akazi nuko bibona bari mu rwego rwo hejuru noneho babura abahutukazi bahuje urwego ngo babarongore; kandi tuzi ko mu kinyarwanda, nk'uko nabibabwiye kare, bavugaga ngo « amaboko atareshya ntaramukanya ». Ni muri urwo rwego rero bahitangamo kurongora abatutsikazi batitaye ku mashuri ya bo kuko mu myumvire y'icyo gihe bagisohoka mu ngoma ya cyami ntibyari byoroshye ko abahutu bumva ko barebanyaga n'abatutsi; bumvaga ko umuhutu wize areshya n'umututsikazi utarize na make cyangwa wize make kuri we. Gusa ikigaragara kandi nshima ni uko abenshi muri abo bagore babanaga n'abo bahutu bize (mpereye ku bo nzi ku giti cya nyje babanye muri ubwo buryo), babubahaga bakababera abagore b'umutima w'urugo; ingo za bo zigakomera, zikegendwaga, zigatungaga, zigatungirirwa.

Aha ariko nagitanga ngaruke gato kuri rwa rugero rw'abategetsi bavanyeye u Rwanda ku ngoyi ya gihake. Nyje ntekereza ko uretse n'icyo cyo kumva ko umugore wari ubakwiriyeye yari umututsikazi, bari banafite mu mutwe wa bo ko byari ngombwa ko ibyo by'amoko bitari bikwiye gukomeza gutanya abanyarwanda; ko ahubwo buri wese yari akwiye gushyira hamwe na buri wundi; Abatutsi bagashakana n'Abahutukazi, Abahutu bagashakana n'Abatutsikazi, ndetse n'Abatwa bagashakana nayo moko yandi bityo u Rwanda rugaturwa n'abantu bahuje ubwoko kandi bumvikana, ibintu byo guhora bahanganye bikavaho; abanyarwanda, baba Abahutu baba Abatutsi tutibagiye n'Abatwa, bakabana mu bwumvikane, n'ubumwe buhamye bushingiyeye ndetse no ku kuvanga amaraso aho guhora bavushanyaga amaraso.

Reka tube ducumbikiye aha tuzakomeza mu numero yacu itaha

Biracyaza...

HAVUGAYO MVUGAKARIHO.

Igereranya ry'ivangurwa rikorerwa Abanyarwanda b'Abahutu na Apartheid yakorewe Abirabura muri Afurika yepfo.



Banyarwanda, **B**anyarwandakazi,

Imyaka 20 irashize ishyaka nako ngo umuryango wa FPR-Inkotanyi uyobora u Rwanda . Iyo witegereje neza imiyoborere y'uwo muryango (FPR) , uhereye mu nzego zo hejuru ukagera ku nzego zo hasi ndetse no mu mashuri usanga hari mu ivangura rikabije.

Imiyoborere ya FPR irangwa ahanini n'igitugu gikabije, ikinyoma, ubwicanyi, intambara z'urudaca mu bihugu by'abaturanyi, kubangamira ubwisanzure bw'abatavurumwe nabo muri Politiki, kuniga itangaza makuru , ryaba irya leta

n'iryigenga, ihohoterwa rikabije rikomeje gukorerwa abenegihugu hirya no hino mu gihugu, ishimitwa ry'abanyarwanda mu buhungiro, tutibagiwe n'ubwicanyi bubakorerwa haba mu gihugu imbere ndetse no hanze yacyo n'ibindi.

Ikiagararira buri wese ni uko ibyoye turondoye hejuru, usanga bifite ingaruka mbi zikomeye ku mibereho myiza y'abanyarwanda bose muri rusange (Abahutu, Abatutsi, Abatwa) ariko byagera ku bwoko bw'Abahutu bwo bikaba agahabuzo.

Ikitwa Umuhutu mu Rwanda nta gaciro gifite imbere ya FPR! Kuri FPR, umuhutu ni umuntu ugomba guhora akubita amavi hasi, asabira imbabazi ibyaha atakoze. Umuhutu agomba kwandagazwa muri za gacaca, umuhutu agomba gukora imirimo y'uburetwa (TIG) , icumbi ry'Abahutu ryabaye za gereza aho basigaye babatwikiramo bityo yangunguru igashiramo amazi ku buryo bwihuse.

Iyo witegereje neza imyitwarire ya FPR n'ubwoko bw'Abahutu butsikamiwe mu Rwanda , usanga neza neza ntaho bitaniye na Apartheid yo muri Afrika y'Epfo, aho Gashakabuhake , yari yarikubiyeye umutungo w'igihugu cya Afrika y'Epfo. Umwirabura yari yaratsikamiwe kuburyo budasubirwaho, yarabaye umucakara, muri make yarabaye ingaruzwamuheto mu gihugu nk'uko mu byukuri FPR yahinduye ubwoko bw'Abahutu abantu bo mu rwego rwa kabiri (**second class citizens**).

Dore muri make kandi mu ngingo zumvikana uko tugereranya FPR na Apartheid ya ba Gashakabuhake bo muri Afrika y'Epfo:

1. **Ubugetsi bw'agatsiko:** Agatsiko ka FPR-Inkotanyi kayoboye u Rwanda gaturuka mu bwoko bw'Abatutsi buri hagati ya 9 na 14% . Ibi twabigereranya n'agatsiko k'abazungu kimitse Apartheid mu myaka ya 1948 kugeza 1994 kakomokaga mu bwoko bw'abazungu buri hagati ya 9-10% by'abenegihugu.

2. **Mu mategeko:** Muri Afurika y'Epfo mu myaka ya 1948 hashyizweho itegeko rya Apartheid (itegeko ritandukanya abazungu n'abirabura). Iri vangura ryahise rikwira mu nzego z'ubuzima bwose bw'igihugu. Ibi byatumye intwali Nelson Mandela Madiba na bagenzi be nka Walter Sisulu, Oliver Tambo, Ahmed Kathrada, Govan Mbeki n'abandi biyemeza kurwanya iryo vangura. Kimwe nuko muri Afurika y'Epfo hariho amategeko avangura, no mu Rwanda hari amategeko na za gahunda zishimangira ivangura. Urugero: mu itegeko ry'Ingengabitekerezo ya jenoside rihana abahutu gusa; gahunda nka "Ndimunyarwanda" itegeka abahutu gusaba imbabazi abatutsi, inkiko "Gacaca" zashyirirweho kuburirana no kurenganya ikitwa umuhutu, imirimo nsimburagifungo TIG imeze nk'uburetwa bukorwa n'Abahutu gusa, ibigega birihira imfumbi z'abatutsi gusa, n'ibindi n'ibindi.

3. **Mu Burezi:** N'ubwo nta mashuri ariho yigamo Abahutu cg Abatutsi gusa ku buryo bweruye nkuko abirabura babuzwaga kwigana n'abazungu; mu Rwanda usanga uko systeme y'uburezi iteye ikumira abana b'abakene n'imfubuyi biganjemo Abahutu, etc. Amashuri amwe y'abakire cyane , abana b'Abahutu batabona ubushobozi bwo kujyamo, ibyiciro by'ubudehe, kuvangura imfubuyi mu mashuri yisumbuye na Kaminuza n'ibindi

4. **Ubutaka:** Nk'uko n'abazungu bihariye hafi 80% ry'ubutaka kandi umubare wabo ari 9% ry'abatwaga , mu Rwanda ibikingi byaragarutse, abenegihugu bato bato bambuwe udusambu twabo, FPR yazanye ibyo yise isaranganya kugirango ibone uko yambura mu mayeri abenegihugu amasambu, imirima n'ibishanga byabo. Byongeye kandi abambari b'abategetsi ba FPR mu cyaro birara mu myaka y'abenegihugu (abaturage) bakayirandaguzwa. Hari bamwe mu bahinzi twamenye ko mu kigwi cyo kubaha imbuto nzima ministeri y'ubuhinzi ibaha imbuto ziboze n'ibindi. Abo mu gatsiko ka FPR nibo bafashe inzuri nziza n'ibishanga bashyiramo inzitiro z'amatungo yabo nkuko na ba "Gashakabuhake" babikoraga muri Afurika y'Epfo.

5. **Gusenya amazu:** Nkuko byakorerwaga abirabura, no mu Rwanda abakene barasenyewe amazu muri Kigali n'ahandi mu Gihugu. Abo bakene higanjemo Abahutu igice kinini n'Abatutsi b'abakene bake bake.

6. **Ubukungu bw'igihugu:** Nkuko agatsiko ka ba "Gashakabuhake" kari karikubiyeye ibyiza byose by'igihugu , agatsiko gato ka FPR mu Rwanda kagizwe n'abatutsi baturutse Uganda cyane cyane niko kanyunyuzwa imitsi ya Rubanda rugufi (abahutu, abatutsi n'abatwa). Ako gatsiko kifashisha bamwe mu bahutu b'inda nini gashyira imbere nk'agakingirizo kugirango FPR ibeshye amahanga ko abanyarwanda bose bibona muri Guverinoma iriho.

7. **Inzego zikomeye za Politiki n'umutekano :** Izi nzego zihariwe na minorite y'ubwoko bumwe bw'abatutsi. Muzi neza ko Ibigo bya Leta na za Minisiteri nta muhutu ushobora kubikandagiramo. N'uwo bashyizemo , aba yabanje gusaba imbabazi z'icyaha cy'inkomoko

(kuba ari umuhutu). Igisirikari, polisi, inzego zishinzwe abinjira n'abasohoka mu Gihugu, n'inzego z'iperereza zihariwe n'abantu bamwe bakomoka mu bwoko bw'abatutsi cyane cyane abaturutse Uganda.

8. **Gutekinika imanza za Politiki:** imanza za politiki zo mu gihe cyaba "Gashaka-buhake" urugero imanza zarezwemo Mandela na bagenzi be babashinje kuba ba terroristi zarimo ibinyoma by'ibihimbano. FPR Nayoyi yitwaza ubutabera igahimbira abanyapolitiki ibyaha batakoze. Ingero ni nyinshi muzi abanyapolitiki bafungiyeye mu magereza mu Rwanda bazira ibitekerezo byabo.

9. **Mu kazi:** Nkuko abirabura aribo bari mu kazi kagayitse kandi gahemba intica ntikize , niko bimeze no mu Rwanda. Aha nabibutsa ko abirabura -kazi bagombaga kujya gukora mu ngo z'abazungu , naho abagabo b'abirabura bo ntabwo bagombaga gukandagira mu mugwi wa Johannesburg . Naho mu Rwanda se bite? Abakora akazi gasuzuguritse kandi k'ingufu ni bante? ubwoko bwiganjemo abashomeri benshi ni ubuhe? Abahembwa urusenda ni bante? Urugero: reba mu barimu biganjemo igice kinini cy'Abahutu bahembwa ubusa.

10. **Ububanyi n'amahanga:** Ba "Gashakabuhake" bashakaga gukoroniza ibihugu aituranye: Namibia, Zimbabwe, Zambia etc usanga n'agatsiko ka FPR kayoboye mu Rwanda gashaka gufata ibihugu baturanyi. urugero: Ntawe uyobewe uruhare rw'ingabo RDF mu ntambara zayogoye uburasirazuba bwa Kongo guhera 1996 kugeza ubu.

11. **Gukoresha iterabwoba , kugira abenegihugu ibikange, kwica abatavugaga rumwe na FPR mu Rwanda no hanze:** Iyi ni intwara FPR ikoresha cyane yo kwica ikaba yari intwara ba "Gashakabuhake" bakoresheje . Aha twakongeraho ko uko "Gashaka buhake" , yakoresheje abirabura mukurimbagura bene wabo b'abirabura , ari nako agatsiko ka FPR gakoresha Abahutu bamwe mu guhitana abandi bahutu , cyane cyane bari mu buhungiro.

12. **Itandukano:** Ni uko muri Afurika y'Epfo bamwe bari abazungu abandi ari abirabura bigaragarira buri wese, ariko mu Rwanda Apartheid irarisha ariko ntibigaragarira bose kuko twese ibara ry'uruhu ni rimwe.



Umwanzuro

Ivangura rikorerwa abanyarwanda b'abahutu mu Rwanda ni ribi cyane kurusha iryabereye muri Afurika yepfo kubera ko ryo rikorerwa mu bwishisho no mu mayeri menshi yo kujijisha.

Buriya buyozi bwogeye ikitwa umuhutu ubwonko, bumwumvisha ko ari umwicanyi, kandi ko nta burenganzira agomba kugira mu gihugu. Biteye isoni n'agahinda kubona ubwoko bw'abahutu bufashwe nk'abanyagihugu bo ku rwego rwa 2 (deuxieme classe) mu gihugu cyabo. Ibi rwose ntaho bitaniye n'ibyo muri Afrika y'epfo mu gihe cya ba "Gashaka buhake".

Isomo twakuramo ni irihe?

Isomo twakuramo ni uko abanyarwanda bose, abahutu, abatutsi, imvange zikomoka kuri ubwo bwoko bwombi, abatwa, twahagurukira rimwe tugasezerera FPR yitwara nka "Gashaka buhake" yari yarashinze imizi mu gihugu cya Afrika y'epfo.

Intwali Mandela na bagenzi be kuki bo babigezeho? Uhwenge burarurwa. Banyapolitiki b'inariyibonye, banyapolitiki ba Nouvelle Génération, abo muri société civile, abihaye IMANA, ruyiruko (Abahutu, Abatutsi, Imvange, n'Abatwa), banyarwanda bari imbere mu gihugu namwe muri mu buhungiro, iyi ni "INTABAZA" tubagejeho, ngo mwishyire hamwe turebe uko twakwirakira Mandela mu rwatubayeye. Mwibuke ko ibiduhaza aribo byinshi kurusha ibidutanyaga.

Mucyo tube ba "GACANZIGO".

Spéciose-Mujawayezu

Géo-Politique: Inama yahuje igihugu cya Leta zunze ubumwe z’Amerika (US) n’ibihugu by’Afurika isize iki?



Kuva tariki 4 kugeza tariki 6 Kanama 2014 muri Maison Blanche muri Amerika Perezida Obama yatumijeho Abaperezida hafi ya bose b’Afurika abakoresha inama ngo yigaga ku bufatanye mu bucuruzi n’iterambere hagati y’igihugu cye US n’ibihugu by’Afurika.



Mu ntangiriro ku byerekeye ubutumire hari Ibihugu bitagaragaye ku rutonde rw’abatumirwa muri iyo nama ngo kubera ko muri ibyo bihugu nta Demokarasi ihari urugero niba Perezida b’ibihugu Zimbabwe, Madagascar na Guinea-Bissau. Aha ikibazo abakurikiranira hafi politiki mpuzamahanga y’Amerika muri Afurika bakaba bibaza niba muri biriya bihugu bindi byatumiwe Demokarasi ari sawa sawa. Dufashe nk’urugero Perezida Museveni amaze kwiyongeza manda eshatu kimwe na President Robert Mugabe wa Zimbabwe. Niba bashingira ku ba Perezida baniga Demokarasi uwa mbere utakandagira muri Merika ni Perezida Museveni kubera ibyaha by’ubwicanyi yagiriye abaganda, Abanyarwanda, n’abanyekongo. Undi muperezida utaratumirwa ni Perezida wa Sudan Omar al-Bashir ngo kubera ko afite ibyaha arengwa na International Criminal Court (ICC). Bibaye Biryo Perezida Kenyatta nawe ntiyari gutumirwa kuko nawe afite ibyaha akurikiranyeho na ICC, byongeye niba ari ukureba abicanyi Perezida Kagame ntiyagomba gutumirwa kubera ubwicanyi we n’ishyamba rye FPR-Inkotanyi byakoreye Abanyarwanda, Abarundi, Abanyekongo, Abagande, Abesipanyori, Abanyekana n’abandi.

Kubona Perezida Kagame na Kabira bashimwa n’agatsiko k’abazungu bake nabo ariko ku rundi ruhande abenegihugu babo bakabaha induru aho banyuze bisobanuye ko aba baperezida bombi bakorerwa inyungu z’ako gatsiko k’abazungu bayora umutungo w’Afurika bajyana iwabo. Uwavugaga ko Kagame Atari Perezida ubikwiye w’abanyarwanda ko ahubwo ari Perezida uhagarariye inyungu z’agatsiko k’ibisambo n’amabandi basahura igihugu ntiyaba abeshye.

Birababaje cyane kubona abo batwigisha demokarasi barenga kubyo bo bazi bafitiye n’ibimenyetso byinshi kubera ikoranabuhanga ryabo baturusha bagatumira inkoramamaso nka Perezida Kagame, Museveni, Kabira n’abandi tutarondoye bakabaha ibyubahiriro bidasanzwe. Hari umuririmbyi waririmbye ngo iby’iyi si ni amabanga. Umunyarwanda we aca umugani ati uwavugaga ay’inzuki ubuki ntiwaribwa. Byose n’inyungu z’igihe gito. Gusa ntawabura gushima Abakuru b’ibihugu bake bamwe na bamwe bagerageza gukorera ineza y’abenegihugu babo. Reka tubitege amaso.



Kagame na Kabila bakirijwe induru y’imyigaragambyo: Mu bintu bikomeye byagaragaye Washington ni ukubona mu ba Perezida bose barenga 40 bari aho abaperezida 2 Kagame na Kabira aribo abenegihugu babo bakomereye bakabakiriza imyigaragambyo yerekana agahinda, intimba n’agahinda batewe n’ubutegetsi bushingiye ku bwicanyi n’akarengane mu Rwanda no muri Kongo. Mu magambo yari yanditse ku byapa abari mu rugendo rwo kwamagana Kagame bitwaje harimo ko Kagame ari “génocidaire”, serial killer (umwicanyi ruhurwa), war criminal (aregwa ibyaha byo mu ntambara) n’aandi magambo menshi yerekana ko yanize Demokarasi n’itangazamakuru mu Rwanda.



FPR-INKOTANYI IKOMEJE UMUGAMBI WAYO WO KURIMBURA ABAHUTU MU RWANDA NO MU KARERE-Urutonde rw'Abihayimana Gatorika bishwe na FPR

Twiyibutse, Twibukiranye amahano FPR inkotanyi Yakoreye Abanyarwanda

Mu rwego rwo kubagaragariza umugambi mubisha wa FPR-Inkotanyi wo gutsemba Abanyarwanda cyane cyane abo yanga urunuka bo mu bwoko bw'Abahutu tugiye tubagezaho urutonde rwa bamwe mu bihayimana ba Kiliziya Gatorika bakindaguwe na FPR-Inkotanyi guhera mu Kwakira 1990.

	A m a z i n a	I g i h u g u / i n k o m o k o	U m u r i m o y a r i a s h i n z w e	A m a t a r i k i b i s h w e h o
1	Renée Popin	France	Religieuse paroisse de Rushaki	4/10/1990
2	Révérant P adiri Joaquim Vallmajo	Espagne	curé de Nyagahanga, Nyinawimana Rukomo (Diocèse de Byumba)	20/04/1994
3	P adiri Joseph Hitimana	Rwanda/Hutu	Ex-Recteur du petit séminaire Rwesero	Rwesero 23/04/1994[1]
4	P adiri Athanase Nkundabanyanga	Rwanda/Hutu	Economiste général du diocèse de Byumba	23/04/1994
5	P adiri Christian Nkiliyehe	Rwanda/Hutu	Recteur Rwesero	23/04/1994
6	P adiri Alexis Havugimana	Rwanda/Hutu	préfet de discipline Rwesero	23/04/1994
7	P adiri Faustin Mulindwa	Rwanda/Hutu	Rwesero	23/04/1994
8	P adiri Fidele Mulinda	Rwanda/Hutu	Rwesero	23/04/1994
9	P adiri Celestin Muhayimana	Rwanda/Hutu	Rwesero	23/04/1994
10	P adiri Augustin Muhayimana	Rwanda/Hutu	Rwesero	23/04/1994
11	P adiri Gaspard Mudashimwa	Rwanda/Hutu	Rwesero	23/04/1994
12	Soeur Annociata	Rwanda/Hutu	Rwesero	23/04/1994
13	Soeur Carolla	Espagne	Rwesero	23/04/1994
14	M gr Vincent NSENGIYUMVA,	Rwanda/Hutu,	Archevêque Archidiocèse de Kigali	Gakurazo 5/06/1994
15	M gr Joseph RUZINDANA	Rwanda/Hutu	Evêque Diocèse de Byumba,	5/6/1994
16	M gr Thaddée NSENGIYUMVA,	Rwanda/Hutu	Evêque Diocèse de Kabgayi et président de la conférence épiscopale rwandaise	5/6/1994
17	M gr Jean Marie Vianney RWABILINDA	Rwanda/Hutu	vicaire général du diocèse de Kabgayi,	5/6/1994
18	M gr Innocent GASABWOYA	Rwanda/Tutsi	Vicaire épiscopal à Kamonyi et ancien vicaire général Kabgayi	5/6/1994
19	P adiri Emmanuel UWIMANA	Rwanda/Hutu	recteur du Petit Séminaire Kabgayi,	5/6/1994
20	P adiri Sylvestre NDABERETSE	Rwanda/Hutu	économiste général Kabgayi,	5/6/1994
21	P adiri Bernard NTAMUGABUMWE	Rwanda/Hutu	représentant préfectoral de l'enseignement catholique Kabgayi,	5/6/1994
22	P adiri François Xavier MULIGO	Rwanda/Hutu	curé de la cathédrale de Kabgayi,	5/6/1994
23	P adiri Alfred KAYIBANDA	Rwanda/Hutu	vicaire du Diocèse Kabgayi,	5/6/1994
24	P adiri Fidèle GAHONZIRE	Rwanda/Tutsi	vicaire du Diocèse Kabgayi,	5/6/1994
25	P adiri Denis MUTABAZI	Rwanda/Tutsi	Diocèse de Nyundo	5/6/1994
26	Frère Jean Baptiste NSINGA	Rwanda/Tutsi	Supérieur Général des Frères Joséphites	5/6/1994
27	P adiri Claude Simard	Canada	curé de Ruyenzi à Butare	17/10/1994
28	P adiri Pie Ntaho Bari	Rwanda/Hutu	curé de Kamonyi (diocèse Kabgayi)	1/8/1995
29	Soeur Carmen Olza	Espagne	Soeur de la charité de Sainte Anne	Mugina 19/03/1996
30	M gr Christophe Munzihirwa Mwenengabo	Zaire/RDC	Archevêque de Bukavu	29/10/1996
31	M gr Phocas Nikwigize	Rwanda/Hutu	Evêque du Diocèse de Ruhengeri	30/10/1996
32	P adiri Cyprien Gasimba	Rwanda/Hutu	diocèse de Nyundo	Kashusha 30/10/1996
33	Savando Mayor Garcia	Espagne		Nyamirangwe Zaire 31/10/1996
34	Julio Rodriguez Jorge	Espagne		31/10/1996
35	Miguel Angel Isla Lucio	Espagne		31/10/1996
36	Fernando de la Fuente de la Fuente	Espagne		31/10/1996
37	P adiri Jean Claude Buhendwa	Zaire/RDC	Burhale/Bukavu	Cimanga 1/11/1996
38	P adiri Daniel Izimya Nakagama	Zaire/RDC	Prêtre dans l'archidiocèse de Bukavu	6/12/1996
39	Sœur Denise Kahambu	Zaire/RDC	Soeur trappistine	7/12/1996
40	P adiri Guy P inard,	Canada	curé de Kampanga (diocèse Ruhengeri)	2/2/1997

Ibikurikira urup 7.: Urutonde rw'Abihayimana Gatorika bivuganywe na FPR-INKOTANYI IKOMEJE UMUGAMBI WAYO WO KURIMBURA ABAHUTU MU RWANDA NO MU KARERE



	A m a z i n a	I g i h u g u / i n k o m o k o	U m u r i m o y a r i a s h i n z w e	A m a t a r i k i b i s h w e h o
41	P a d i r i A n t o i n e H a t e g e k i m a n a	R w a n d a / H u t u	o r i g i n a i r e d u d i o c è s e de R u h e n g e r i , i l é t a i t a n c i e r a u m o n i e r m i l i t a i r e c a t h o l i q u e	K A L I M A / Z A I R E 2/3/1997
42	P a d i r i U r b a i n T w a g i r a y e z u	R w a n d a / H u t u	d i o c è s e N y u n d o	2/3/1997
43	P a d i r i E t i e n n e K a b e r a	R w a n d a / H u t u	d i o c è s e B u t a r e	2/3/1997
44	P a d i r i J e a n U w i z e y i m a n a	R w a n d a / H u t u	d i o c è s e B u t a r e	2/3/1997
45	P a d i r i A u g u s t i n N k u l i k i y u m u k i z a ,	R w a n d a / H u t u	d i o c è s e B u t a r e (o r i g i n a i r e G i k o n g o r o)	2/3/1997
46	P a d i r i F r a n ç o i s X a v i e r M u y o b o k e ,	R w a n d a / H u t u	d i o c è s e K a b g a y i	2/3/1997
47	P a d i r i E m m a n u e l M u n y a k a z i	R w a n d a / H u t u	d i o c è s e d e C y a n g u n g u , i l é t a i t a n c i e r	2/3/1997
48	P a d i r i N o r b e r t M i l i m o	R w a n d a / H u t u	d i o c è s e B u t a r e	2/3/1997
49	S o e u r M a r i e F r a n c i n e N y i r a r u k u n d o	R w a n d a / H u t u	d i o c è s e d e C y a n g u g u S o e u r s P é n i t e	2/3/1997
50	S o e u r F é l i c i t é M u k a m i h i g o ,	R w a n d a / H u t u	d i o c è s e d e C y a n g u g u : S o e u r s P é n i t e n t e s d e S a i n t F r a n c o i s d ' A s s i s e	2/3/1997
51	S o e u r C l o t i l d e N y i r a b a k u n g u ,	R w a n d a / H u t u	S o u e r s d e l a c o n g r é g a t i o n A b i z e r a m a r i y a	2/3/1997
52	S o e u r G o d e l i v e M u k a m u n a n a ,	R w a n d a / H u t u	d e l a C o n g r é g a t i o n A b i z e r a m a r i y a	K a s e s e / Z a i r e 22/04/1997
53	S o e u r R o s a l i e U w a m a r i y a	R w a n d a / H u t u	c o n g r é g a t i o n A b i z e r a m a r i y a	K i s a n g a n i 22/04/1997
54	P a d i r i H a b a k u r a m a I s a i e	R w a n d a / H u t u	P a r o i s s e C y a h i n d a (B u t a r e)	11/5/1997
55	P a d i r i Y i r i r w a h a n d i P a s c a l	R w a n d a / H u t u	P a r o i s s e C y a h i n d a (B u t a r e)	11/5/1997
56	P a d i r i I g n a c e M u b a s h a n k w a y a	R w a n d a / H u t u	p a r o i s s e d e M u s h a k a (C y a n g u g u)	1/8/1997
57	6 s o e u r s d e l a R é s u r r e c t i o n d u C h r i s t B u s a s a m a n a	R w a n d a / H u t u	s o e u r s d e l a R é s u r r e c t i o n d u C h r i s t f u e n t a s s a s i n é e s à B u s a s a m a n a	8/1/1998
58	P a d i r i V i j e k o C u r i c	C r o a t i a	c u r é d e l a p a r o i s s e d e K i v u m u , d i o c è s e d e K a b g a y i	31/01/1998
59	M g r A n d r é S i b o m a n a	R w a n d a / H u t u	d i o c è s e d e K a b g a y i e t R e d a c t e u r e n C h e f K i n y a m a t e k a	9/3/1998 r e f u s d e s o i n s
60	P a d i r i B o n i f a c e K a g a b o	R w a n d a / H u t u	C u r é d e l a p a r o i s s e R u h e n g e r i	28/04/1998
61	P a d i r i I s i d r o U z c u d u n P o u s o	E s p a g n e	P a r o i s s e M u g i n a	10/6/2000
62	P a d i r i J o s é R a m o n A m u n a r r i z	E s p a g n e	G i h a r a	13/05/2002

INCAMAKE Kuri uru rutonde harimo abihayimana bo mu rwego rwa ba **Musenyeri 8**: Ni ukuvuga ba Musenyeri ba Diyosezii 5 n'ibisonga bya Musenyeri (vicaire général /vicaire épiscopal): 3

Abapadiri ni 40 wongeyeho abandi bapadiri benshi tutabashishe kumenya biciwe muri zone yari yarafashwe na FRP (Byumba na Ruhengeri). Bivugwa ko abapadiri barenga 1/2 cy'abapadiri bose bari muri iyo zone mu 1990 bishwe n'Inkotanyi

Abandi: abafurere, ababikira abo dufite kuri uru rutonde ni 20 barenga ariko birazwi ko abenshi amazina yabo ataramenyekana neza kubera ko FPR iri ku butegetsi itatuma haba iperereza nyaryo ryo kumenya abishwe bose

Abanyamahanga: Espagne: 9, Canada : 2, France: 1, RDC: 4 muri Kivu gusa hagati 1996-1997 tutabariyemo abo FPR itafanyije AFDL ya Kabila bishe mu zindi ntara za Kongo

UMWANZURO:Mu mugambi kirimbuzi wayo wo gutsemba Abahutu, FPR ntayarebeye izuba Abihayimana. yabirayemo, irabakindagura karahava. Murabyibonera hejuru mu rutonde tubagejeje ko umugambi wa FPR ari uwo guca umutwe Kiliziya Gatulika yibasira cyane cyane abihayimana b'Abahutu. Impyisi ngo ikurira inyana ikakurusha uburakari ubu FPR ishishikajwe no gusaba Kiliziya Gatorika ngo gusaba imbabazi ko yagize uruhare muri Genocide ni akumiro pe! Ibi byose byakorewe Abihayimana bangana gutya Kiliziya y'isi yose Kiliziya yo mu Rwanda ndetse niyo muri Kongo bose bararuciyeye bararumira baryumaho. Umuryango w'Abibumbye nawo waricecekeye imbere y'ibi byaha byose. **Umuti ni uwuhe? Nta wundi kereka gukura ku butegetsi FPR-Inkotanyi ikaburanishwa nyuma.**

Mwihangane mwese mwabuze abanyu.

Jean-Marie V Minani



AHO ISHYAKA ISANGANO RIHAGAZE HE KU BYEREKEYE UBWISANZURE N'UBURENGANZIRA BWA MUNTU MURI RUSANGE N'UBW'ABANYANYARWANDA BY'UMWIHARIKO

Twebwe Abenegihugu b'u Rwanda twibumbiye mu Ishyaka ISANGANO-ARRDC-Abenegihugu dutangarije Abanyarwanda n'Isi yose kumenya ko:

- 1.U Rwanda ari urw'abenegihugu bose, Abahutu, Abatutsi, Abatwa n'abahawe ubwenegihugu. Nta Rwanda rw'ubwoko bumwe ruzigera rubaho
- 2.Nta vangura rigomba kubaho aho ryaba rishingiye aho ari ho hose ku moko, uturere, igitsina, amadini, aho abantu bahungutse baturuka n'ibindi abantu bashobora kwitwaza. Abanyarwanda bose barashyamba imbere y'amategeko.
- 3.Ubutegetsi bwose ni ubw'abenegihugu, nibwo bukorerwa kandi butangwa nabo binyuze mu matora asesuye kandi anyuze mu mucyo muri Demokarasi.
- 4.Amahano yose, Jenoside yakorewe Abahutu na Jenoside yakorewe Abatutsi, ibyaha ndengakamere byo mu rwego mpuzamahanga n'intambara byahitanye Abanyarwanda mu moko yose bibonamo ndetse n'Abanyamahanga mu Rwanda no mu Karere rurimo byatewe n'ubutegetsi bubi bw'udutsiko twambuye Abenegihugu ubutegetsi bwabo n'uburenganzira bwabo bw'ibanze, ibyo ntibizongera kubaho ukundi,
- 5.Ni ngombwa kumva akababaro k'Abahutu n'akababaro k'Abatutsi n'Abatwa mu mahano yose yabereye mu Rwanda no mu Karere ruherereyemo bityo hakaba hakenewe kuvugisha UKURI no kunga abanyarwanda hagati yabo no kubungira n'abaturanyi bo mu bihugu byo mu Karere,
- 6.Akarengane kose kagirirwa cyane cyane Rubanda rugufi, ubuhake mu buryo bwose, agasuzuguro, amacakubiri, iterabwoba, ikinyoma, ikumira n'itheza ry'igice kinini cy'abenegihugu byazanwe n'Agatsiko kashyamba Abenegihugu bigomba gucika burundu,
- 7.U Rwanda rwacu ruzagera kw'ishya n'ihirwe n'ubwisanzure n'amahoro arambye, igihe abenegihugu barwo bose bafite ubwisanzure mu gihugu cyabo, bakagira n'amahirwe angana yo kwinjira mu nzego z'ubuyobozi bwa gisirikare na gisivire, bose bakagerwaho n'ibyiza by'igihugu kandi bose bakarengerwa n'amategeko y'igihugu mu buryo bungana,
- 8.Ubutegetsi bwa Demokarasi isesuye ishingiyeye ku byifuzo n'ibibazo by'Abenegihugu niyo yaha ikizere abanyarwanda bose.

Jean-Marie V Minani, Prezida Fondateri w'ISANGANO (sé)

Ikinyamakuru Intabaza-Gacanzigo gifite intego ebyiri:

1. gutabariza abanyarwanda kw'isi hose no
2. guca inzigo mu bana b'u Rwanda.

Inkuru zacu zizibanda kuvuga ukuri ku biba ku banyarwanda muri iki gihe no mu gihe cyashize hagamijwe kubaka umuco wa Demokarasi, ubworoherane n'amahoro mu Banyarwanda no mu bihugu byo mu Karere

Ikinyamakuru Intabaza-Gacanzigo kizajya gitangaza inkuru mu ndimi zitandukanye cyane cyane Ikinyarwanda, Igifaransa, icyongereza, Ikidage, Igihorandi, Igisipanyoni, Igiswayire n'izindi

Ikinyamakuru Intabaza-Gacanzigo ntawe kizima ijamba arisabye kandi ntawe kizahatira kurifata atarishaka.

Nimukigane ni icyanyu.

Inama y'Ubwanditsi

- Jean-Marie V. Minani, Umuhuzabikorwa Mukuru
- Madame Spéciose Mujawayezu, umuyobozi wa Publication
- Jean Paul Habimana, Umwanditsi
- Madame Epiphanie Rugambage, Umubitsi

Addresses zacu ni
Friederikenstr.9, 49809 Lingen
Germany

Phone: 004915216127584
E-mail: isangano.rrdc@gmail.com